

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 414482/06-Վ

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 07.08.2020 թվականի թիվ 24010 վարչական իրավախախտման վերաբերյալ արձանագրությունը, քննելով թիվ 24010 վարույթը և կից նյութերը,

ՊԱՐԶԵՑԻ

«Սիրկար» ՍՊԸ-ի (ՀՎՀՀ 01808325) տնօրեն Սոս Ժորայի Ոսկանյանը /հասցե՝ ք. Երևան, Ն. Չարբախ 5փ. 2/5, անձն. տվյալներ՝ AR0474747, ՀԾՀ՝ 1701590646/ ՀՀ Հարկային օրենսգրքի 156-րդ հոդվածի 5-րդ մասով սահմանված ժամկետում չի ներկայացրել ֆիզիկական անձանց եկամուտների և եկամտային հարկի մասին 2019 թվականի տեղեկությունները, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170⁶ հոդվածի 1-ին մասով:

Վարչական վարույթի շրջանակներում Սոս Ոսկանյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 09.06.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Վարույթը կասեցնելու վերաբերյալ որոշումը և ՀՀ ՊԵԿ իրավաբանական վարչություն ներկայանալու, վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ ծանուցագիրը՝ համաձայն փոստային առաքանու վերաբերյալ հետադարձ ծանուցման Սոս Ոսկանյանը ստացել է, վարչական վարույթին չի ներկայացրել, սակայն ներկայացրել է դիմում առ այն, որ իր կողմից խախտումը տեղի է ունեցել օրենքի չիմացության պատճառով՝ խնդրելով խիստ պատասխանատվության չենթարկել:

Վարույթի շրջանակներում կատարված ուսումնասիրությամբ հայտնի է դարձել, որ 07.08.2020 թվականի դրությամբ 2019 թվականի ֆիզիկական անձանց եկամուտների և եկամտային հարկի մասին տեղեկությունները ներկայացվել են, իսկ ֆիզիկական անձանց վճարված պասիվ եկամուտներից առաջացած հարկային պարտավորությունները վճարվել են, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 170⁶ հոդվածի 1-ին մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, 49-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Սոս Ժորայի Ոսկանյանի վերաբերյալ հարուցված թիվ 24010 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Սոս Ժորայի Ոսկանյանին ազատել վարչական պատասխանատվությունից և հայտարարել բանավոր դիտողություն:
3. Սոս Ժորայի Ոսկանյանի նկատմամբ հարուցված թիվ 24010 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը